









史記抄卷之六

呂后本紀

呂后稱制八年所以私殘劉氏諸王及王諸呂并呂氏女所娶以及中宦者處

恩威

鄭樵曰遷遺
惠而記呂無心
獎溫乎

名雍字城如畫

古妃字妻三通稱

呂太后者高祖微時妃也生孝惠帝女魯元太后及高

祖為漢王得定陶戚姬愛幸生趙隱王如意孝惠為人

仁弱高祖以為不類我常欲廢太子立戚姬子如意如

意類我戚姬幸常從上之關東日夜啼泣欲立其子代

戚姬禍苗

太子呂后年長常留守希見上益疏如意立為趙王後

幾代太子者數矣賴大臣爭之及留侯策太子得毋廢

呂后為人剛毅佐高祖定天下所誅大臣多呂后力呂

兩類我呼為兒
助孝惠趙王
官又收戚姬
呂后封高祖
實子情月長

漢之禍在此

后兄二人皆為將長兄周呂侯死事封其子呂台為酈

侯子產為交侯次兄呂釋之為建成侯高祖十二年四

月甲辰崩長樂宮太子襲號為帝是時高祖八子次諸王以

見呂后所殘劉氏本末長男肥孝惠兄也異母肥為齊王餘皆孝

惠弟戚姬子如意為趙王薄夫人子恒為代王諸姬子

子恢為梁王子友為淮陽王子長為淮南王附子建為燕

王高祖弟交為楚王兄子濞為吳王非劉氏功臣番君

吳芮子臣為長沙王呂氏最怨戚夫人及其子趙王乃

令求菴囚戚夫人而召趙王使者三反趙相建平侯周

昌謂使者曰高帝屬臣趙王趙王年少竊聞太后怨戚

高云太史公作史
紀不報他事惟
以打劉氏別處
其戚王侯氏
則亦侯王丁云
楊人私母宗戚
友宗皆理一楊
半男半女也

夫人欲召趙王并誅之。臣不敢遣王。王且亦病不能奉
詔。呂后大怒。廼使人召趙相。趙相徵至長安。廼使人復
召趙王。王來未到。孝惠帝慈仁。知太后怒。自迎趙王。霸
上與入宮。自挾與趙王起居飲食。太后欲殺之。不得間。
孝惠元年十二月。帝晨出射。趙王少。不能蚤起。太后聞
其獨居。使人持酖飲之。犁明。孝惠還。趙王已死。於是乃
徙淮陽王友爲趙王。夏。詔賜酈侯父追謚爲令武侯。太
后遂斷戚夫人手足。去眼。燬耳。飲瘖藥。使居廁中。命曰
人彘。居數日。乃召孝惠。帝觀人彘。孝惠見。問知其戚夫
人。廼大哭。因病歲餘不能起。使人請太后曰。此非人所

高云孝惠壯烈
曲全其弟必不
金其兄其無愧
友愛二字

爲臣爲太后子。終不能治天下。孝惠以此日飲爲淫樂。
不聽政。故有病也。二年。楚元王、齊悼惠王皆來朝。十月。
孝惠與齊王燕飲。太后前。孝惠以爲齊王兄。置上坐。如
家人之禮。太后怒。迺令酌兩卮。酖置前。令齊王起爲壽。
齊王起。孝惠亦起。取卮欲俱爲壽。太后迺恐。自起泛孝
惠卮。齊王怪之。因不敢飲。詳醉去。問知其酖。齊王恐。自
以爲不得脫。長安憂。齊內史士說王曰。太后獨有孝惠。
與魯元公主。今王有七十餘城。奇計與長公主所而公
主迺食數城。王誠以一郡上太后。爲公主湯沐邑。太后
必喜。王必無憂。於是齊王迺上城陽之郡。尊公主爲王。

高云而史計之
最善非是者
王必不往院當
三趙王而習之

太后呂后喜許之。廼置酒齊邸。樂飲罷歸齊王。三年。方
築長安城。四年就半。五年六年城就。諸侯來會。十月朝
賀。七年秋八月戊寅。孝惠帝崩。發喪。太后哭泣不下。留
侯子張辟彊為侍中。年十五。子房為呂后畫計招四皓
畫計將諸呂居南謂丞相曰。太后獨有孝惠。今崩哭不
北軍以危劉可恨悲。君知其解乎。丞相曰。何解。辟彊曰。帝母壯子。太后畏
君等。君今請拜呂台呂產呂祿為將。將兵居南北軍。及
諸呂皆入宮。居^{閣根}中用事。如此則太后心安。君等幸得脫
禍矣。國使平勃輩有殉丞相乃如辟彊計。太后詭其哭。乃
哀呂氏權。由此起。乃大赦天下。九月辛丑葬太子。即位。

高云王陵六傑王
觀此之含叔惡
勢依而狗人地天
幽云

爲帝謁高廟元年號令一出太后太后稱制議欲立諸
呂爲王問右丞相王陵王陵曰高帝刑白馬盟曰非劉
氏而王天下共擊之今王呂氏非約也太后不說問左
丞相陳平絳侯周勃等對曰高帝定天下王子弟今
太后稱制王昆弟諸呂無所不可太后喜罷朝王陵讓
陳平絳侯曰始與高帝嘖血盟諸君不在邪今高帝崩
太后女主欲王呂氏諸君縱欲阿意背約何面目見高
帝地下陳平絳侯不以此時逆折禍萌顧以釀劉氏之危而後安之何也陳平絳侯曰
於今面折廷爭臣不如君夫全社稷定劉氏之後君亦
不如臣王陵無以應之陳平總只是推呂后之崩而自為功十一月太后

高云太后欲侯諸
呂乃先立之欲王
諸呂乃先立之
以種筆法史公
料多揣摩效於
睇眄為見宮中
叔術之多端可
見矣

欲廢王陵乃拜為帝太傅奪之相權王陵遂病免歸乃
以左丞相平為右丞相以辟陽侯審食其為左丞相左
丞相不治事令監宮中如郎中令食其故得幸太后常
用事公卿皆因而決事廼追尊酈侯父為悼武王欲以
王諸呂為漸四月太后欲侯諸呂乃先封高祖之功臣
郎中令無擇為博城侯丞相揣摩呂魯元公主薨賜謚
為魯元太后子偃為魯王魯王父宣平侯張敖也封齊
悼惠王子章為朱虛侯以呂祿女妻之齊丞相壽為平
定侯少府延為梧侯乃封呂種為沛侯呂平為扶柳侯
張買為南宮侯太后欲王呂氏先立孝惠後宮子彊為

淮陽王子不疑爲常山王子山爲襄城侯子朝爲軹侯

子武爲壺關侯太后風大臣大臣請立酈侯呂台爲呂

王陳平爲右丞相而行事却如此太后許之建成康侯釋之卒嗣子有

罪廢立其弟呂祿爲胡陵侯續康侯後二年常山王薨

以其弟襄城侯山爲常山王更名義十一月呂王台薨

謚爲肅王太子嘉代立爲王三年無事四年封呂嬃爲

臨光侯婦人無爵今有爵呂他爲俞侯呂更始爲贅其侯呂忿

爲呂城侯及諸侯丞相附五人宣平侯女爲孝惠皇后時

無子濁亂宮中詳爲有身取美人子名之殺其母立所名子爲太

子孝惠崩太子立爲帝帝壯或聞其母死非真皇后子

高云曲逆之依回於
呂后朝初果云云
於要惟於則天體
此非詳順而後大
汝必意旨是也
公通以術果云云
正大為心則大不
伴也

廼出言曰。后安能殺吾母而名我。我未壯。壯卽爲變。太
后聞而患之。恐其爲亂。廼幽之永巷中。言帝病甚。左右
莫得見。太后曰。凡有天下治。爲萬民命者。蓋之如天。容
之如地。上有懽心。以安百姓。百姓欣然。以事其上。懽欣
交通。而天下治。今皇帝病久不已。廼失惑。懽亂。不能繼
嗣。奉宗廟祭祀。不可屬天下。其代之。群臣皆頓首言。皇
太后爲天下齊民計。所以安宗廟社稷甚深。群臣頓首
奉詔。帝廢位。太后幽殺之。五月丙辰。立常山王義爲帝。
更名曰弘。不稱元年者。以太后制天下事也。以軹侯朝
爲常山王。置太尉官。絳侯勃爲太尉。五年八月。淮陽王

高云等呂氏也而
一廢一繼立愛
惻心任意

薨以弟壺關侯武爲淮陽王。六年十月，太后曰：呂王嘉
居處驕恣，廢之。以肅王台弟呂產爲呂王。夏，赦天下，封
齊悼惠王子興居爲東牟侯。七年正月，太后召趙王友
友以諸呂女爲后，弗愛，愛他姬。諸呂女妬，怒去，讒之於
太后，誣以罪過，曰：呂氏安得王？太后百歲後，吾必擊之。
太后怒，以故召趙王。趙王至，置邸，不見，令衛圍守之。弗
與食。其群臣或竊饋，輒捕論之。趙王_{可涕}餓，乃歌曰：諸呂用
事，今劉氏危，迫脅王侯，疆授我妃。我妃既妬，_{國義}誣我以惡，讒女亂國。上曾不寤，我無忠臣。何故棄國，自
決中野？蒼天舉直，于嗟不可悔！寧蚤自財爲王而

淮陽王反事竟

高云澤以呂
女為妻而以王
貴劉公與呂

王云太后悍妬
極而許呂女以
逆殺了成殺任
王蓋以成殺郭
氏種也必以郭
殺誅空之打

鉞死兮。誰者憐之。呂氏絕理兮。託天報仇。丁丑。趙王幽
死。以民禮葬之。長安民冢次。巳丑。日食。晝晦。太后惡之。
心不樂。乃謂左右曰。此為我也。二月。徙梁王恢為趙王。
呂王產徙為梁王。梁王不之國。為帝太傅。立皇子平昌
侯太為呂王。更名梁曰呂。呂曰濟川。太后女弟呂嬃有
女為營陵侯劉澤妻。澤為大將軍。太后王諸呂。恐即崩。
後劉將軍為害。乃以劉澤為琅邪王。以慰其心。梁王恢
之徙。王趙。心懷不樂。太后以呂產女為趙王后。王后從
官皆諸呂。擅權微伺趙王。趙王不得自恣。王有所愛姬
王后使人酖殺之。王乃為歌詩四章。令樂人歌之。王悲。

梁王恹子亮

燕王建子亮

六月卽自殺太后聞之以爲王用婦人棄宗廟禮廢其
嗣宣平侯張敖卒以子偃爲魯王敖賜謚爲魯元王秋
太后使使告代王欲徙王趙代王謝文帝不敢徙趙便有畏呂后而自遠
識願守代邊太傅產丞相平等言武信侯呂祿上侯位
次第一請立爲趙王太后許之追尊祿父康侯爲趙昭
王九月燕靈王建薨有美人子太后使人殺之無後國
除八年十月立呂肅王子東平侯呂通爲燕王封通第
莊爲東平侯三月中呂后祓還過軹道見物如蒼犬據
高后掖忽弗復見卜之云趙王如意爲祟高后遂病掖
傷高后爲外孫魯元王偃年少蚤失父母孤弱廼封張

高曰呂氏將南
北乃太后旨
王是程高志也
追以不尉奪南
北軍而劉氏乃
受青一種之者
以爲南北軍子
爲通滿大昭也
文

赦前姬兩子。侈爲新都侯。壽爲樂昌侯。以輔魯元王。偃
及封中大謁者。張釋爲建陵侯。呂榮爲祝茲侯。諸中宦
者令丞蓋恩澤到此皆爲關內侯。食邑五百戶。七月中。高后病甚。廼
令趙王呂祿爲上將軍。軍北軍。呂王產居南軍。呂太后
誠產祿曰。高帝已定天下。與大臣約曰。非劉氏王者。天
下共擊之。今呂氏王大臣弗平。我即崩。帝年少。大臣恐
爲變。必據兵衛宮。慎毋送喪。毋爲人所制。辛巳。高后崩。
遺詔賜諸侯王各千金。侈賜以爲將相列侯郎吏皆以
秩賜金。大赦天下。以呂王產爲相國。以呂祿女爲帝后。
高后已葬。以左丞相審食其爲帝太傅。朱虛侯劉章有

氣力東牟侯興居其弟也。皆齊哀王弟。居長安。當是時。諸呂用事。擅權。欲爲亂。畏高帝故。大臣絳灌等未敢發。朱虛侯婦呂祿女。陰知其謀。恐見誅。乃陰令人告其兄齊王。欲令發兵西誅諸呂而立。朱虛侯欲從中與大臣爲應。齊王欲發兵。其相弗聽。八月丙午。齊王欲使人誅相。相召平。乃反。舉兵欲圍王。王因殺其相。遂發兵東。詐奔琅邪。王兵并將之。而西。語在齊王語中。齊王乃遺諸侯王書曰。高帝平定天下。王諸子弟。悼惠王王齊。悼惠王薨。孝惠帝使留侯良立臣爲齊王。孝惠崩。高后用事。春秋高。聽諸呂。擅廢帝更立。又比殺三趙王。滅梁趙燕。

以王諸呂。分齊爲四。忠臣進諫。上惑亂弗聽。今高后崩。而帝春秋富。未能治天下。固恃大臣諸侯。而諸呂又擅自尊官。聚兵嚴威。劫列侯忠臣。矯制以令天下。宗廟所以危。寡人率兵入誅。不當爲王者。漢聞之。相國呂產等乃遣潁陰侯灌嬰將兵擊之。灌嬰至滎陽。乃謀曰。諸呂權兵關中。欲危劉氏而自立。今我破齊還報。此益呂氏之資也。乃留屯滎陽。使使諭齊王及諸侯。與連和以待呂氏變。共誅之。齊王聞之。乃還兵西界待約。呂祿呂產欲發亂。關中內憚絳侯朱虛等。外畏齊楚兵。又恐灌嬰畔之。欲待灌嬰兵與齊合而發。猶與未央當是時。濟川

描寫玲瓏

王大。淮陽王武。常山王朝。名爲少帝弟。及魯元王呂后。外孫皆年少。未之國。居長安。趙王祿。梁王產。各將兵居南北軍。皆呂氏之人。列侯群臣莫自堅其命。太尉絳侯勃。不得入軍中主兵。曲周侯酈商老病。其子寄與呂祿善。絳侯乃與丞相陳平謀。使人劫酈商。令其子寄往絳。說呂祿曰。高帝與呂后共定天下。劉氏所立九王。呂氏立三王。皆大臣之議事。已布告諸侯。諸侯皆以爲宜。今太后崩。帝少。而足下佩趙王印。不急之國。守藩乃爲上將。兵留此。爲大臣諸侯所疑。足下何不歸將印。以兵屬太尉。請梁王歸相國印。與大臣盟而之國。齊兵必罷。

高云趣產急火
官舍三乃礼盖
何少帝旨以
夷威讲大臣云

大臣得安足下高枕而王千里此萬世之利也呂祿信
然其計欲歸將印以兵屬太尉使人報呂產及諸呂老
人或以爲便或曰不便計猶豫未有所以呂祿信酈寄
時與出游獵過其姑呂嬃嬃大怒曰若爲將而棄軍呂
氏今無處矣乃悉出珠玉寶器散堂下曰毋爲他人守
也左丞相食其免呂氏先除內賊恐其與大臣合謀八月庚申旦平陽
侯窋行御史大夫事見相國產計事郎中令賈壽使從
齊來因數產曰王不蚤之國今雖欲行尚可得邪具以
灌嬰與齊楚合從欲誅諸呂告產乃趣產急入宮平陽
侯頗聞其語乃馳告丞相太尉太尉欲入北軍不得入

襄平侯通尚符節乃令持節矯內太尉北軍太尉復令

酈寄與典客劉揭先說呂祿曰帝使太尉守北軍欲足

下之國急歸將印辭去不然禍且起呂祿以為酈兄不

欺已遂解印屬典客而以兵授太尉太尉將之入軍門

行令軍中曰為呂氏右禮陳平設此驗為劉氏左禮軍

中皆左禮為劉氏太尉行至將軍呂祿亦已解上將印

去太尉遂將北軍然尚有南軍平陽侯聞之以呂產謀

告丞相平丞相平乃召朱虛侯佐太尉太尉令朱虛侯

監軍門令平陽侯告衛尉毋入相國產殿門恐其從中矯制為亂

呂產不知呂祿已去北軍廼入未央宮欲為亂殿門弗

高曰徘徊往來
狀如奔馬人形

衛帝清享俱
不言而以意會
軍中秘密固為

得入徘徊往來徘徊平陽侯恐弗勝馳語太尉太尉尚恐不
勝諸呂未敢訟言誅之誅之廼遣朱虛侯謂曰急入宮衛帝
須安宮中而朱虛侯請卒太尉予卒千餘人入未央宮
後可制於外門遂見產廷中日舖時遂擊產產走天風大起以故其
從官亂莫敢鬪逐產殺之郎中府吏廁中朱虛侯已殺
產帝命謁者持節勞朱虛侯本入宮衛帝一朱虛侯欲
奪節信謁者不肯朱虛侯則從與載因節信馳走斬長
樂衛尉呂更始還馳入北軍報太尉太尉起拜賀朱虛
侯曰所患獨呂產今已誅天下定矣遂遣人分部悉捕
諸呂男女無少長皆斬之辛酉捕斬呂祿而答殺呂頹

高云食其時當廢
愛復為爵也此
必是逆平時而為
首尾而彼失也
官之備必百計指
所於此逆故復以
為龜鼠之進也
必立代王已不為謀
必以告之衣衣
兵兵而以此言
兵此叙子以高
耳京王此時不印
入長安爭立此以
有灌嬰為子
扼也

使人誅燕王呂通而廢魯王偃以帝太傅食其復為左

丞相此必平輩當呂后戊辰徙濟川王王梁立趙幽王

子遂為趙王遣朱虛侯章以誅諸呂氏事告齊王令罷

兵灌嬰兵亦罷滎陽而歸諸大臣相與陰謀曰少帝及

梁淮陽常山王皆非真孝惠子也呂后以計詐名他人

子殺其母養後宮令孝惠子之立以為後及諸王以彊

呂氏今皆已夷滅諸呂而置所立即長用事吾屬無類

矣不如視諸王最賢者立之或言齊悼惠王高帝長子

今其適子為齊王推本言之高帝適長孫可立也大臣

皆曰呂氏以外家惡而幾危宗廟亂功臣今齊王母家

高云不吉兵其
義士也必世并鮮
其人云

駟鈞駟鈞惡人也。卽立齊王。則復爲呂氏。欲立淮南王。以爲少。母家又惡。廼曰。代王方今高帝見子最長。仁孝寬厚。太后家薄氏謹良。且立長故順。以仁孝聞於天下。便。廼相與共陰使人召代王。代王使人辭謝再反。然後乘六乘傳。後九月晦日巳酉。至長安。舍代邸。大臣皆往謁奉天子璽。上代王共尊立爲天子。代王數讓群臣。固請。然後聽。東牟侯興居曰。誅呂氏。吾無功。請得除宮。廼與太僕汝陰侯滕公入宮前。謂少帝曰。足下非劉氏不當立。乃顧麾左右執戟者。掎兵罷去。有數人不肯去。兵宦者令張澤諭告。亦去。兵。滕公乃召乘輿車載少帝出。

却是二庚子也
界蓋是時朝廷
祀而天下以也

少帝曰欲將我安之乎。滕公曰出就舍。舍少府。乃奉天子法駕迎代王於邸。報曰宮謹除。代王即夕入未央宮。有謁者十人持戟衛端門曰天子在也。足下何為者而。入代王乃謂太尉太尉往諭謁者十人皆掎兵而去。代王遂入而聽政。夜有司分部誅滅梁淮陽常山王及少帝於邸。代王立為天子。二十三年崩謚為孝文皇帝。太史公曰孝惠皇帝高后之時黎民得離戰國之苦。君臣俱欲休息乎無為。故惠帝垂拱高后女主稱制政不出房戶。天下晏然。刑罰罕用。罪人是希。民務稼穡衣食滋殖。

呂后紀畢

一事直下忽於後佳奇文

史記抄卷之七

孝文本紀

漢紀

孝文皇帝高祖中子也。高祖十一年春，已破陳豨軍，定代地，立為代王。都中都，太后薄氏子。即位十七年，高后八年七月，高后崩。九月，諸呂呂產等欲為亂，以危劉氏。大臣共誅之，謀召立代王。事在呂后語中。丞相陳平、太尉周勃等使人迎代王。代王問左右郎中令張武等。張武等議曰：「漢大臣皆故高帝時大將，習兵多謀詐，此其屬意非止此也。特畏高帝呂太后威爾。今已誅諸呂，新噍血京師，此以迎大王為名，實不可信。願大王稱疾毋。」

呂祖謙曰：存呂
后為有功臣存
功臣為有呂后
此為祖師意也

往以觀其變。中尉宋昌進曰：群臣之議皆非也。夫秦失其政，諸侯豪傑並起，人人自以爲得之者，以萬數。然卒踐天子之位者，劉氏也。天下絕望一矣。高帝封王子弟，地犬牙相制，此所謂磐石之宗也。天下服其疆，二矣。漢興，除秦苛政，約法令，施德惠，人人自安，難動搖，三矣。夫以呂太后之嚴，立諸呂爲三王，擅權專制，然而太尉以一節入北軍，一呼，士皆左袒爲劉氏，叛諸呂，卒以滅之。此乃天授，非人力也。今大臣雖欲爲變，百姓弗爲使其黨，寧能專一邪？方今內有朱虛、東牟之親，外畏吳、楚、淮南、琅邪、齊代之疆，方今高帝子獨淮南王與大王、大王

大橫龜占橫理
也唐即更言此
侯文帝位也

為云無限不言是
祗隱侍于笑字
中史公用筆刺
帝乃至此

又長。賢聖仁孝。聞於天下。故大臣因天下之心。而欲迎
立大王。大王勿疑也。代王報太后計之。猶與未定。卜之
龜。卦兆得大橫。占曰。大橫庚庚。余為天王。夏啓以光。代
王曰。寡人固已為王矣。又何王。卜人曰。所謂天王者。乃
天子。於是代王乃遣太后弟薄昭。往見絳侯。絳侯等具
為昭言。所以迎立王意。薄昭還報曰。信矣。毋可疑者。代
王乃笑謂宋昌曰。果如公言。乃命宋昌參乘。張武等六
人乘傳詣長安。至高陵休息。而使宋昌先馳之長安。觀
變。昌至渭橋。丞相以下皆迎。宋昌還報代王。馳至渭橋。
群臣拜謁稱臣。代王下車拜。太尉勃進曰。願請間言。宋

高云此時百官
民環視之曰聞言
天子降侯不學
無術乃為南昌
於此當汗決皆云
王維桢曰歷代
大臣見公議也

昌曰所言公有氣岸公言之所言私王者不受私太尉乃跪上
天子璽符代王謝曰寬重至代邸而議之遂馳入代邸群臣詳
從至丞相陳平太尉周勃大將軍陳武御史大夫張蒼
宗正劉郢朱虛侯劉章東牟侯劉興居典客劉揭皆再
拜言曰子弘等皆非孝惠帝子不當奉宗廟臣謹請與
陰安侯列侯頃王后與琅邪王宗室大臣列侯吏二千
石議曰大王高帝長子宜為高帝嗣願大王即天子位
代王曰奉高帝宗廟重事也寡人不佞不足以稱宗廟
願請楚王計宜者寡人不敢當群臣皆伏固請代王西
鄉讓者三南鄉讓者再丞相平等皆曰臣伏計之大王

宗昌撫南北軍
行殿中以備不測
而不詔以行殿
於此亦多也

奉高帝宗廟最宜稱雖天下諸侯萬民以爲宜臣等爲
宗廟社稷計不敢忽願大王幸聽臣等臣謹奉天子璽
符再拜上代王曰宗室將相王列侯以爲莫宜寡人寡
人不敢辭遂卽天子位群臣以禮次侍乃使太僕嬰與
東牟侯興居清宮奉天子法駕迎于代邸皇帝卽日夕
入未央宮乃夜拜宋昌爲衛將軍首任從龍之臣鎮撫南北軍
以張武爲郎中令行殿中還坐前殿於是夜下詔書曰
間者諸呂用事擅權謀爲大逆欲以危劉氏宗廟賴將
相列侯宗室大臣誅之皆伏其辜朕初卽位其赦天下
賜民爵一級女子百戶牛酒酺五日孝文皇帝元年十

呂氏紀事
考文紀冊通

月庚戌徙立故琅邪王澤為燕王。辛亥，皇帝即阼，謁高

廟。右丞相平徙為左丞相，太尉勃為右丞相，大將軍灌

嬰為太尉。諸呂所奪齊楚故地，皆復與之。壬子，遣車騎

將軍薄昭迎皇太后于代。皇帝曰：「呂產自置為相國，呂

祿為上將軍。」筆盡諸用事功臣案甚擅矯遣灌將軍嬰

將兵擊齊，欲代劉氏。嬰留滎陽弗擊，與諸侯合謀以誅

呂氏。呂產欲為不善，丞相陳平與太尉周勃謀奪呂產

等軍。朱虛侯劉章首先捕呂產等。太尉身率襄平侯通

持節承詔入北軍，典客劉揭身奪趙王呂祿印，益封太

尉勃萬戶，賜金五千斤。丞相陳平灌將軍嬰邑各三千

戶金二千斤。朱虛侯劉章。襄平侯通。東牟侯劉興居。邑各二千戶。金千斤。封典客。揭爲陽信侯。賜金千斤。孝文總帝從代來即位二十三年。宮室苑囿。狗馬服御。無所增益。有不便。輒弛以利民。嘗欲作露臺。召匠計之。直百金。上曰。百金中民十家之產。吾奉先帝宮室。常恐羞之。何以臺爲。上常衣綈衣。所幸慎夫人。令衣不得曳地。幃帳不得文繡。以示敦朴。爲天下先。治霸陵。皆以瓦器。不得以金銀銅錫爲飾。不治墳。欲爲省。毋煩民。南越王尉佗自立爲武帝。然上召貴尉佗兄弟。以德報之。佗遂去帝。稱臣。與匈奴和親。匈奴背約入盜。然令邊備守。不發兵。

從盜飲酒非常惡
法絕緩加賜如
所遷具文帝
金錢太宗布絹
此刑賞正道

深入惡煩苦百姓。吳王詐病不朝，就賜几杖。群臣如袁
盎等稱說，雖切常假借。用之群臣如張武等受賂遺金
錢，覺上乃發御府金錢賜之，以愧其心。弗下吏，專務以
德化民。是以海內殷富，興於禮義。後七年六月己亥，帝
崩於未央宮。遺詔曰：「朕聞蓋天下萬物之萌生，靡不有
死。死者，天地之理，物之自然者，奚可甚哀！當今之時，世
咸嘉生而惡死，厚葬以破業，重服以傷生，吾甚不取。且
朕既不德，無以佐百姓。今崩，又使重服久臨，以離寒暑
之數，哀人之父子，傷長幼之志，損其飲食，絕鬼神之祭，
祀以重吾不德也。謂天下何！朕獲保宗廟，以眇眇之身，

託于天下君王之上。二十有餘年矣。賴天地之靈。社稷之福。方內安寧。靡有兵革。朕旣不敏。常畏過行。以羞先帝之遺德。維年之久長。懼于不終。今乃幸以天年。得復供養于高廟。朕之不明。與嘉之。其奚哀悲之有。其令天下吏民。令到出臨三日。皆釋服。毋禁取婦嫁女祠祀飲酒食肉者。自當給喪事。服臨者。皆無踐絰帶。無過三寸。毋布車及兵器。毋發人男女哭。臨宮殿。宮殿中當臨者。皆以旦夕各十五舉聲。禮畢罷。非旦夕臨時。禁毋得擅哭。已下。服大紅十五日。小紅十四日。纖七日。釋服。佗不在令中者。皆以此令比率從事。布告天下。使明知朕意。

霸陵山川。因其故。毋有所改。歸夫人以下。至少使。令中

尉亞夫為車騎將軍。屬國悍為將屯將軍。郎中令武為

復土將軍。發近縣見卒萬六千人。發內史卒萬五千人。

藏鄼穿復土。屬將軍武。乙巳。群臣皆頓首上尊號曰孝

文皇帝。盧大經曰。漢文帝以七月己亥崩。乙巳葬。經七日耳。與窆人家歛手足形還葬者。何以異。景

帝必不忍以天下儉其親。此殆文帝之顧命也。雖未合中道見亦卓矣。文帝此等見解皆自黃老中來。太

子即位于高廟。丁未。襲號曰皇帝。孝景皇帝元年十月。

制詔御史。蓋聞古者祖有功而宗有德。制禮樂各有由。

聞歌者。所以發德也。舞者。所以明功也。高廟酎。奏武德。

文始五行之舞。孝惠廟酎。奏文始五行之舞。孝文皇帝

高云文字必以序
次也法方為周
如孝文本紀一篇
海內殷富一為
第一序也法加
送治為第二序
又加制治御史一
再為第三序又
加以丞相有司
議為第四序也
細玩之真此意
固為一序也
錯也

臨天下。通關梁。不異遠方。除誹謗。去肉刑。賞賜長老。收恤孤獨。以育群生。減嗜欲。不受獻。不私其利也。罪人不帑。不誅無罪。除肉刑。出美人。重絕人之世。朕既不敏。不能識。此皆上古之所不及。而孝文皇帝親行之。德厚侔天地。利澤施四海。靡不獲福焉。明象乎日月。而禮樂不稱。朕甚懼焉。其為孝文皇帝廟為昭德之舞。以明休德。然後祖宗之功德著於竹帛。施於萬世。永永無窮。朕甚嘉之。其與丞相列侯中二千石。禮官具為禮儀奏。丞相臣嘉等言。陛下永思孝道。立昭德之舞。以明孝文皇帝之盛德。皆臣嘉等愚所不及。臣等議曰。功莫大於高皇。

此以心悅而
公至而但令
國諸侯俱立
廟則漢廷臣
使持也

帝德莫盛於孝文皇帝。高皇廟宜爲帝者太祖之廟。孝
文皇帝廟宜爲帝者太宗之廟。天子宜世世獻祖宗之
廟。郡國諸侯宜各爲孝文皇帝立太宗之廟。諸侯王列
侯使者侍祠。天子歲獻祖宗之廟。請著之竹帛。宣布天
下。制曰可。

太史公曰：孔子言必世然後仁。善人之治國百年亦可
以勝殘去殺。誠哉是言。漢興至孝文四十有餘載。德至
盛也。廩廩鄉改正服封禪矣。謙讓未成於今。嗚呼。豈不
仁哉。

孝文畢

史記抄卷之八

三代世表第一

曲折秀潔數尺有千尋之勢

太史公曰五帝三代之記尚矣自殷以前諸侯不可得而譜周以來乃頗可著折衷孔子因史文次春秋紀元年正時日月蓋其詳哉至於序尚書則畧無年月或頗有然多闕不可錄故疑則傳疑蓋其慎也慎字眉子余讀諜記黃帝以來皆有年數稽其歷譜諜終始五德之傳古文咸不同乖異夫子之弗論次其年月豈虛哉於是以五帝繫諜尚書集世紀黃帝以訖共和為世表歐陽本叔嘗病世本之繆最詳從湯至紂二十九世從黃帝至紂四十六世周武王伐殷從黃帝至武王十九世即此覆之謬矣

十二諸侯年表第二 古雅可誦

西周亡於此而特傷
厲王其害禍首也

十二諸侯之
勢全于厲王

即政由五伯
出另行

太史公讀春秋曆譜謀至周厲王。未嘗不廢書而歎也。
孔子作春秋而太史公得因之以表十二諸侯本末盛衰之迹也
 曰。嗚呼。師摯見之矣。
 紂為象箸而箕子唏。周道缺。詩人本之。衽席。關雎作。仁
 義陵遲。鹿鳴刺焉。及至厲王。以惡聞其過。公卿懼誅而
 禍作。厲王遂奔于彘。亂自京師始。而共和行政焉。是後
 或力政。彊乘弱。興師不請天子。然挾王室之義。以討伐
 為會盟主。政由五霸。諸侯恣行。淫侈不軌。賊臣篡子。滋起
 矣。齊晉秦楚。其在成周微甚。封或百里。或五十里。晉阻
 三河。齊負東海。楚介江淮。秦因雍州之固。四國迭興。更

爲伯主。文武所褒。大封皆威而服焉。是以孔子明王道。接八云
于七十餘君。莫能用。故西觀周室。論史記舊聞。與于魯。
而次春秋。上記隱。下至哀之獲麟。約其辭文。去其煩重。
以制義法。王道備人事。浹七十子之徒。口受其傳。指爲。
有所刺譏。褒諱挹損之文辭。不可以書見也。魯君子左。
丘明。懼弟子人人異端。各安其意。失其真故。因孔子史。
記。具論其語。成左氏春秋。鐸椒爲楚威王傳。爲王不能。
盡觀春秋。采取成敗。卒四十章。爲鐸氏微。趙孝成王時。
其相虞卿。上采春秋。下觀近勢。亦著八篇。爲虞氏春秋。
呂不韋者。秦莊襄王相。亦上觀尚古。刪拾春秋。集六國。

時事以爲八覽六論十二紀爲呂氏春秋及如荀卿孟子公孫固韓非之徒各往往摭撫春秋之文以著書不可勝紀漢相張蒼歷譜五德上大夫董仲舒推春秋義頗著文焉太史公曰儒者斷其義馳說者騁其辭不務綜其終始歷人取其年月數家隆於神運譜謀獨記世謚其辭畧欲一觀諸要難於是譜十二諸侯自共和訖孔子表見春秋國語學者所譏盛衰大指著于篇爲成學治古文者要刪焉

六國表第三

予覽觀太史公所撰以五帝三王紀甚無經緯處而秦紀獨詳頗疑之及讀六國表延知古史藏周室爲秦所滅而秦記獨得不廢故太史本之非獨表六國而於秦之

繼周者秦也
故表六國而
獨挈秦
六國為趙韓魏
並燕齊為秦而
并叔以漢秦紀
後端

本末尤擘
畫可誦焉

風雨合離波潮上下

太史公讀秦記至大戎敗幽王周東徙洛邑秦襄公始
封為諸侯作西時用事上帝僭端見矣禮曰天子祭天
地諸侯祭其域內名山大川今秦雜戎翟之俗先暴戾
後仁義位在藩臣而腫於郊祀君子懼焉及文公踰隴
攘夷狄尊陳寶營岐雍之間而穆公修政東竟至河則
與齊桓晉文中國侯伯侔矣是後陪臣執政大夫世祿
六卿擅晉權征伐會盟威重於諸侯及田常殺簡公而
相齊國諸侯晏然弗討海內爭於戰功矣三國終之卒
分晉田和亦滅齊而有之六國之盛自此始務在彊兵

表上國而首尾
俱只論秦看他
離合接卸之妙

天所助句已正
劉秦事或曰段
忽出一奇自起自
止雄橫全敵

并敵謀詐用而從衡短長之說起矯稱蠡出誓盟不信
雖置質剖符猶不能約束也秦始小國僻遠諸夏賓之
比於戎翟至獻公之後常雄諸侯論秦之德義不如魯
衛之暴戾者量秦之兵不如三晉之彊也然卒并天下
非必險固便形勢利也蓋若天所助焉或曰東方物所
始生此即險固形勢之說夫作事者必於東南收功實者常
於西北故禹興於西羌湯起于亳周之王也以豐鎬伐
殷秦之帝用雍州興漢之興自蜀漢秦既得意燒天下
詩書諸侯史記尤甚為其有所刺譏也詩書所以復見
者多藏人家而史記獨藏周室以故滅惜哉惜哉獨有

秦記又不載日月其文畧不具然戰國之權變亦有可
頗采者何必上古秦取天下多暴然世異變成功大傳
曰法後王何也以其近已而俗變相類議卑而易行也
學者牽於所聞見秦在帝位日淺不察其終始因舉而
笑之不敢道此與以耳食無異悲夫余於是因秦記踵
春秋之後起周元王表六國時事訖二世凡二百七十
年著諸所聞興壞之端後有君子以覽觀焉

秦楚之際月表第四

月表之文甚跌宕適古可誦

鼎沸之始末甚矣其可累歎而太息也而彼真
人者翺翔其間一切撥亂反之正若轉圜然豈
非神武而楊升菴曰英世俊偉于景升晉紀論祖此
聖者乎

閱鍵全在此處
分疏耳

論秦事以推原
受命之亟是通
篇結斷處却接
渡之痕

太史公讀秦楚之際曰初作難可並倒文發於陳涉四虐戾滅秦自

項氏撥亂誅暴平定海內卒踐帝祚成於漢家五年之

間論承上句而極繼之號令三嬗字自生民以來未始有受命若斯之亟也字上昔

虞夏之興積善累功數十年德洽百姓攝行政事考之

於天然後在位湯武之王乃由契后稷修仁行義十餘

世不期而會孟津八百諸侯猶以為未可其後乃放弑

秦起襄公章於文繆獻孝之後稍以蠶食六國百有餘

載至始皇乃能并冠帶之倫以德若彼用力如此蓋一

統若斯之難也秦既稱帝患兵革不休以有諸侯也於

是無尺土之封墮壞名城銷鋒鏑鉏豪桀維萬世之安

作本朝文字
之體

以周立案

然王跡之興起于閭巷合從討伐軼於三代鄉秦之禁
適足以資賢者為驅除難耳故憤發其所為天下雄安
在無土不王此乃傳之所謂大聖乎豈非天哉豈非天
哉非大聖孰能當此受命而帝者乎

漢興以來諸侯年表第五

太史公曰殷以前尚矣周封五等公侯伯子男然封伯
禽康叔於魯衛地各四百里親親之義褒有德也太公
於齊兼五侯地尊勤勞也武王成康所封數百而同姓
五十五地上不過百里下三十里以輔衛王室管蔡康
叔曹鄭或過或損幽厲之後王室缺侯伯彊國興焉天

強弱二字是此
為眼目

叙次如指掌

子微弗能正。非德不純。形勢弱也。漢興序二等。高祖末年。非劉氏而王者。若無功。上所不置而侯者。天下共誅之。高祖子弟同姓。為王者九國。唯獨長沙異姓。而功臣侯者百餘人。自鴈門太原以東。畫次海內形勢如掌而方論可與之並。雄至遼陽。為燕代國。常山以南太行左。矣。千年絕調也。轉度河濟。阿甄以東。薄海為齊趙國。自陳以西南至九疑。東帶江淮。穀泗薄會稽。為梁楚吳淮南長沙國。皆外接於胡越。而內地北距山。以東盡諸侯地。大者或五六郡。連城數十。置百官。宮觀僭於天子。漢獨有三河東郡。潁川南陽。自江陵以西至蜀北。自雲中至隴西。與內史。

漢家形勢強弱
摹寫各極工妙
其於精弱為強
處尤屬精神蓋
承七國叛逆後以

凡十五郡而公主列侯頗食邑其中何者天下初定骨肉同姓少故廣彊庶孽以鎮撫四海用承衛天子也漢定百年之間親屬益疎諸侯或驕奢怵邪臣計謀為淫亂大者叛逆小者不軌于法以危于命殞身亡國天子觀於上用是錯賢生及主父之策古然後加惠使諸侯得推恩分子弟國邑故齊分為七趙分為六梁分為五淮南分三及天子支庶子為王王子支庶為侯百有餘焉吳楚時前後諸侯或以適削地是以燕代無北邊郡吳淮南長沙無南邊郡齊趙梁楚支郡名山陂海咸納於漢諸侯稍微大國不過十餘城小侯不過數十里上足以奉貢職下足以供養

侵削諸侯為三
計故史公寫之
不遺餘力也此
子必恭孟堅諸
侯王表於後以
失利害之際可
以而豫云

祭祀以蕃輔京師而漢郡八九十形錯諸侯間犬牙相
臨乘其阨塞地利疆本幹弱枝葉之勢也已而哀平以
並以削弱如帶而莽得嬖權以篡嚮使漢有呂季卑明
后時齊楚趙諸國形錯其間安得不外懼乎
而萬事各得其所矣臣遷謹記高祖以來至太初諸侯
譜其下益損之時令後世得覽形勢正論雖疆要之以仁義
為本

高祖功臣侯年表第六

爾雅之文

太史公曰古者人臣功有五品以德立宗廟定社稷曰
勲以言曰勞用力曰功明其等曰伐積日曰閱封爵之
誓曰使河如帶泰山若厲國以永寧爰及苗裔始末嘗

不欲固其根本。而枝葉稍陵夷衰微也。余讀高祖侯功
臣察其首封。所以失之者曰。異哉。所聞書曰。協和萬國。
遷于夏商。或數千歲。蓋周封八百。幽厲之後。見於春秋。
尚書有唐虞之侯。伯。歷三代千有餘載。識遠自全以蕃衛天
子。豈非篤於仁義。奉上法哉。漢興。功臣受封者百有餘
人。天下初定。故大城名都。散亡戶口。可得而數者十二
三。是以大侯不過萬家。小者五六百戶。後數世。民咸歸
鄉里。戶益息。蕭曹絳灌之屬。或至四萬。小侯自倍富厚
如之。子孫驕溢。忘其先。淫嬖至太初。百年之間。見侯五
餘。皆坐法隕命。亡國耗矣。罕亦少密焉。然皆身無兢兢。

史述以下斷

今有二字該貫全篇語脉

起一忠字直貫下以長沙世端見其忠也

於當世之禁云居今之世志古之道所以自鏡也未必盡同帝王者各殊禮而異務要以成功為統紀豈可緼乎觀所以得尊寵及所以廢辱亦當世得失之林也何必舊聞於是謹其終始表見其文頗有所不盡本末著其明疑者闕之後有君子欲推而列之得以覽焉

惠景間侯者年表第七

音報長沙王侯年表

太史公讀列封至便侯曰有以也夫長沙王者著令甲稱其忠焉昔高祖定天下功臣非同姓疆土而王者八國至孝惠時唯獨長沙全禪五世以無嗣絕竟無過為藩守職信矣故其澤流枝庶毋功而侯者數人及孝惠

訖孝景間五十載追脩高祖時遺功臣及從代來吳楚之勞諸侯子弟若肺腑五外國歸義者九十有餘咸表始終當世仁義成功之著者也六

建元以來侯者年表第八

太史公次建元以來侯者年表而天下一切摧

鋒陷敵之士並得封拜海內戶口耗矣太史公並不之及豈避忌重禍之故與

太史公曰匈奴絕和親攻當路塞閩越擅伐東甌請降二夷交侵當盛漢之隆以此知功臣受封侔於祖考矣何者自詩書稱三代戎狄是應荆荼是徵齊桓越燕伐山戎武靈王以區區趙服單于似諛秦繆用百里霸西戎吳楚之君以諸侯役百越况乃以中國一統明天子在上

兼文武。席卷四海。內輯億萬之衆。豈以晏然不爲邊境征伐哉。自是後遂出師北討彊胡。南誅勁越。將卒以次封矣。

建元以來王子侯者年表第九

制詔御史諸侯王或欲推私恩分子弟邑者。令各條上朕且臨定其號名。太史公曰。盛哉天子之德。一人有慶。天下賴之。

漢興以來將相名臣年表第十

大事記

謂誅伐封

相位

置立丞相

將位

命將

御史大夫

位

丞相

世表畢

史記抄卷之九

禮書

太史公於禮樂之旨原不十分見透故求荀卿論禮之言而作禮書述樂記之言而作樂書其

所發明處多揣摩影響而成文然其深者亦儘微眇矣

太史公曰洋洋美德乎。宰制萬物。役使群衆。豈人力也哉。余至大行禮官。觀三代損益。乃知緣人情而制禮。依人性而作儀。其所由來尚矣。入道經緯萬端。規矩無所不貫。誘進以仁義。束縛以刑罰。故德厚者位尊。祿重者寵榮。所以總一海內。而整齊萬民也。人體安。駕乘爲之。金與錯衡。以繁其飾。目好五色。爲之黼黻文章。以表其能。耳樂鐘磬。爲之調諧八音。以蕩其心。口甘五味。爲之庶羞。酸醎以致其

史記抄 卷之六
美情好珍善爲之琢磨圭璧以通其意故大路越席皮弁
布裳朱絃洞越大羹玄酒所以防其淫侈救其彫敝是以
君臣朝廷尊卑貴賤之序下及黎庶車輿衣服宮室飲食
嫁娶喪祭之分事有宜適物有節文仲尼曰締自既灌而
往者吾不欲觀之矣周衰禮廢樂壞大小相踰管仲之家
兼備三歸循法守正者見侮於世奢溢僭差者謂之顯榮
自子夏門人之高第也猶云出見紛華盛麗而說入聞夫
子之道而樂二者心戰未能自決而況中庸以下漸漬於
失教被服於成俗乎孔子曰必也正名於衛所君不合仲
尼沒後受業之徒沈湮而不舉或適齊楚禮山崩樂或入河海豈不

秦

興取節

高祖妹孫通

微誠

文帝

平順中始以微詞含
言言外

廢

景帝 昆錯

廢 悼惜

痛哉至秦有天下悉內六國禮儀采擇其善雖不合聖制
 其尊君抑臣朝廷濟濟依古以來○嘉秦皇貶叔孫少孝
 文惜昆錯而嗤當世之
儒者詳玩
 語意自見至于高祖光有四海叔孫通頗有所增益減損
 大抵皆襲秦故自天子稱號下至佐僚及宮室官名少所
 變改孝文即位有司議欲定儀禮孝文好道家之學以為
 繁禮飾貌無益於治躬化謂何耳故罷去之孝景時御史
 大夫鼂錯明於世務刑名數干諫孝景曰諸侯藩輔臣子
 一例古今之制也今大國專治異政不稟京師恐不可傳
 後孝景用其計而六國畔逆以錯首名天子誅錯以解難
 事在袁盎語中是後官者養交安祿而已莫敢復議今上

史記少

卷之九

七

即位招致儒術之士令共定儀十餘年不就或言古者太
平萬民和喜瑞應辨至乃采風俗定制作上聞之制詔御
史曰蓋受命而王各有所由興殊路而同歸謂因民而作
追俗爲制也議者咸稱太古百姓何望漢亦一家之事典
法不傳謂子孫何化隆者閔博治淺者褊狹可不勉與乃
以太初之元○叙禮制興廢有典有則中間改正朔易服
○嘆恨褒貶之義令人讀之慨然色封泰山定宗廟百官之儀以爲典常垂之於後云禮由
人起人生有欲欲而不得則不能無忿忿而無度量則爭
爭則亂先王惡其亂故制禮義以養人之欲給人之求使
欲不窮於物物不屈於欲禮由人起以下采荀卿之言而
成文於漢朝禮儀不相及矣

二者相待而長。是禮之所起也。故禮者養也。稻粱五味所以養口也。椒蘭芬蒨所以養鼻也。鐘鼓管絃所以養耳也。刻鏤文章所以養目也。疏房牀第所以養體也。故禮者養也。君子既得其養。又好其辨也。所謂辨者。貴賤有等。長少有差。貧富輕重皆有稱也。故天子大路越席。所以養體也。側載臭芷。所以養鼻也。前有錯衡。所以養目也。和鸞之聲。步中武象。驟中韶護。所以養耳也。龍旂九旂。所以養信也。寢兕持虎。蛟韞彌龍。所以養威也。故大路之馬。必信至教順。然後乘之。所以養安也。孰知夫士出死要節。所以養生也。孰知夫輕費用之。所以養財也。孰知夫恭敬辭讓之。

所以養安也。孰知夫禮義文理之所以養情也。人苟生之。
爲見若者必死。苟利之爲見若者必害。怠惰之爲安若者。
必危。荀子亦以氣爲性故情性之爲安若者必滅。故聖人一之於禮義則兩得。
之。失一之於情性則兩失之矣。故儒者將使人兩得之者。
也。墨者將使人兩失之者也。是儒墨之分。治辨之極也。彊。
固之本也。威行之道也。功名之總也。王公由之。所以一天。
下。臣諸侯也。弗由之。所以捐社稷也。故堅革利兵不足以。
爲勝。高城深池不足以爲固。嚴令繁刑不足以爲威。由其。
道則行。不由其道則廢。楚人鮫革犀兕。所以爲甲。堅如金。
石。宛之鉅鐵。施鑽如蠶。蠶輕利剽。邀卒如燔風。然而兵殆。

考者驗也言驗是楚

於垂涉唐昧死焉莊躋起楚分而爲四參是豈無堅革利
兵哉其所以統之者非其道故也汝穎以爲險江漢以爲
池阻之以鄧林緣之以方城然而秦師至鄢郢舉若振槁
是豈無固塞險阻哉其所以統之者非其道故也紂剖比
干囚箕子爲炮烙刑殺無辜時臣下懍然莫必其命然而
周師至而令不行乎下不能用其民是豈令不嚴刑不峻
哉其所以統之者非其道故也古者之兵戈矛弓矢而已
然而敵國不待試而誦城郭不集溝池不掘固塞不樹機
變不張然而國晏然不畏外而固者無他故焉禮讓爲國乎明道而均
分之何有時使而誠愛之則下應之如景響有不由命者然後

俟之以刑則民知臯矣。故刑一人而天下服臯人不尤其上。知臯之在已也。是故刑罰省而威行如流。無他故焉。由其道故也。故由其道則行。不由其道則廢。古者帝堯之治天下也。蓋殺一人。刑二人。而天下治。傳曰。威厲而不試。刑措而不用。禮之原天地者生之本也。先祖者類之本也。君師者治之本也。無天地惡生。無先祖惡出。無君師惡治。三者偏亡則無安人。故禮上事天。下事地。尊先祖而隆君師。是禮之三本也。故王者天太祖。諸侯不敢懷大夫士有常宗。所以辨貴賤。貴賤治得之本也。郊疇乎天子。社至乎諸侯。函及士大夫。所以辨尊者事尊。卑者事卑。宜鉅者鉅。宜小者小。

故有天下者事七世。有一國者事五世。有五乘之地者事三世。有三乘之地者事二世。有特牲而食者不得立宗廟。所以辨積厚者流澤廣。積薄者流澤狹也。大饗上玄尊。俎上腥魚。先犬。羹貴食飲之本也。大饗上玄尊而用薄酒。食先黍稷而飯稻粱。祭饗先犬羹而飽庶羞。貴本而親用也。貴本之謂文。親用之謂理。兩者合而成文。以歸太一是謂太隆。故尊之上玄尊也。俎之上腥魚也。豆之上太羹一也。利爵弗啐也。成事俎弗嘗也。三宥之弗食也。大昏之未廢齊也。大廟之未內尸也。始絕之未小歛一也。大路之素幘也。郊之麻紼。喪服之先散麻一也。三年哭之不反也。清廟

之歌一倡而三嘆縣一鍾尚拊膈朱絃而通越一也凡禮

始乎脫脫成乎文終乎稅稅故至備情文俱盡其次情文代勝

其下復情以歸太太一何天地以合日月以明四時以序星辰

以行江河以流萬物以昌好惡以節喜怒以當以為下則

順以為上則明太史公曰太史公以下文多類子書中來而太史公所自為文往往跌宕

適逸而此獨簡古豈太史公之才本變幻百出采荀卿言為禮書輒摹畫之耶至矣哉立隆以為

極而天下莫之能益損也本末相順終始相應至文有以

辨至察有以說天下從之者治不從者亂從之者安不從

者危小人不能則也禮之貌誠深矣堅白同異之察入焉

而弱其貌誠大矣擅作典制褊陋之說入焉而濞其貌誠

高矣。暴慢恣睢輕俗以爲高之屬入焉而墜。故繩誠陳則不可欺以曲直。衡誠縣則不可欺以輕重。規矩誠錯則不可欺以方員。君子審禮則不可欺以詐僞。故繩者直之至也。衡者平之至也。規矩者方員之至也。禮者人道之極也。然而不法禮者不足禮。謂之無方之民。法禮足禮。謂之有方之士。禮之中能思索。謂之能慮。能慮勿易。謂之能固。能慮能固。加好之焉。聖矣。天者高之極也。地者下之極也。日月者明之極也。無窮者廣大之極也。聖人者道之極也。以財物爲用以貴賤爲文。以多少爲異。以隆殺爲要。文貌情繁。情欲損。禮之隆也。文貌省。情欲繁。禮之殺也。文貌情欲相

爲內外表裏並行而雜禮之中流也。君子上致其隆，下盡其殺，而中處其中。步驟馳騁，廣騫不外，是以君子之性守宮庭也。人域是域，士君子也。外是民也。於是中焉。有焉房皇周浹，曲直得其次序。聖人也。故厚者禮之積也，大者禮之廣也。高者禮之隆，明者禮之盡也。

史記抄卷之十

樂書

漢時古樂亡而高惠文景及武帝時已無可求矣故太史公作樂書特述樂記之言而成文而樂記者或曰公孫尼子所爲也○中多精微之旨然亦間有蕪雜處

虞

周成王

樂了原

興

太史公曰余每讀虞書至於君臣相敕維是幾安而股肱不良萬事墮壞未嘗不流涕也成王作頌推已懲艾悲彼家難可不謂戰戰恐懼善守善終哉君子不爲約則脩德滿則棄禮佚能思初安能惟始沐浴膏澤而歌詠勤苦非大德誰能如斯傳曰治定功成禮樂乃興海內人道益深其德益至所樂者益異滿而不損則溢盈而不持則傾凡作樂者所以節樂君子以謙退爲禮以損減爲樂樂其如

亂

沈佚

秦二世

李斯

此也。以爲州異國殊，情習不同，故博采風俗，協比聲律，以補短移化，助流政教。天子躬於明堂，臨觀而萬民咸蕩滌邪穢，斟酌飽滿，以飾厥性。故云雅頌之音理，而民正；嗷噉之聲興，而士奮；鄭衛之曲動，而心淫。及其調和諧合，鳥獸盡感，而况懷五常含好惡，自然之勢也。治道虧缺，而鄭音興起，封君是辟，名顯鄰州，爭以相高。自仲尼不能與齊，優遂容於魯，雖退正樂以誘世，作五章以刺時，猶莫之化也。陵遲以至六國，流沔沈佚，遂往不反，卒於喪身滅宗，并國於秦。秦二世尤以爲娛。丞相李斯進諫曰：「放棄詩書，極意聲色，祖伊所以懼也；輕積細過，恣心長夜，紂所以亡也；趙

趙高

祖漢高祖

不留意

武帝

興

高曰五帝三王樂各殊名示不相襲朝廷下至人民得以
接歡喜合殷勤非此和說不通解澤不流亦各一世之化
度時之樂何必華山之騶耳而后行遠乎二世然之高祖
過沛詩三侯之章令小兒歌之高祖崩令沛得以四時歌
舞宗廟孝惠孝文孝景無所增更於樂府習常隸舊而已
至今上即位作十九章令侍中李延年次序其聲拜爲協
律都尉通一經之士不能獨知其辭皆集會五經家相與
共講習讀之乃能通知其意多爾雅之文漢家常以正月
上辛祠太一甘泉以昏時夜祠到明而終常有流星經於
祠壇上使僮男僮女七十人俱歌春歌青陽夏歌朱明秋

歌西皞冬歌玄冥世多有故不論又嘗得神馬渥洼水中
復次以爲太一之歌曲雅歌曲曰太一貢兮天馬下霑赤汗兮
沫流赭騁容與兮蹕萬里今安匹兮龍與友後伐大宛得
千里馬馬名蒲梢次作以爲歌歌詩曰天馬來兮從西極
經萬里兮歸有德承靈威兮降外國涉流沙兮四夷服中
尉汲黯進曰凡王者作樂上以承祖宗下以化兆民今陛
下得馬詩以爲歌協於宗廟先帝百姓豈能知其音邪上
默然不說丞相公孫弘曰黯誹謗聖制當族以下雜述樂記之文凡音
之起云云

